



傅沅叔校明劉大昌刻本華陽國志跋

見藏園群書題記續集

華陽國志一書自廖氏題襟館刊行後世之讀者意謂可無遺憾以原書為顧千里所手校要為定正可傳也然余曩見同年鄧孝先太史收藏顧氏校本為付刊後所重勘所據為常熟馮氏空居閣本其校語溢出刊本者至多保山吳佩伯曾假臨一本今尚寄寒齋中余偶披閱及之卷中多識其疑誤而改訂之處乃絕少緣所見馮本外僅有錢磬室寫本何義門校本而已於明代嘉靖以前舊刻似未寓目也頃北平館中新收得嘉靖甲子劉大昌刻本極為罕覯因從趙君斐雲許假歸以廖刻對勘一過自八月二十二日起至十月二

十三日止凡兩閱月僅乃訖功行止不常丹鉛屢輟良用自
恧然全書訂正之字多至四百有奇咸前人所未發又殊自
憙矣茲舉前數卷最勝之處言之如卷一樹有荔支支不誤
芟^{葉第二}儀貪巴道之富不作巴苴^三取商於之地不脫之字
曰虎歷四郡曰不誤白從高祖定秦有功秦不誤亂^{均四}此
武王伐討之歌也此不誤比^五家中無可與與不誤為^六涼
州羌反入漢中不脫反字貧者無以自支支不誤久^{均七}嚴
子農代為都督農解後二農字不誤豐^{十一}胸忍徐慮慮不
誤惠^{十三}大破之闡咨退不脫闡字^{十三}人多鷁勇不脫多
字^{十五}李雄宕渠之廝伍廝不誤斯卷二佳字如上昭於天

昭不誤照^一文秀曄曄曄不作瑋^二姜濟陳已巳不誤巴不
得過過多云鬼病之不脫下過字學道永信者永不誤未其
供通限出五斗米通不誤道張脩攻固城城不作成^{均四下}

^{葉城同}魯益驕恣璋怒不脫璋怒二字皆以祭酒為治民不

脫民字^{均四}大姓李程趙氏程不作鄭^五更始即祚祚不作

位^六諸軍足辦辦不誤辨^八梓潼郡潼不誤撞^{九下}同秦州

遂荒無晉民州不誤川晉不誤留^{十二}卷三佳字如故多斑

綵文章斑不作班^一魚鳧王田於湍山不脫魚鳧二字^二天

奉我矣奉不作承^二蜀王哀念之不脫念字^三歌龍歸之曲

龍不作隴^三司馬錯等因取苴與巴馬馬字不脫^四玉帛菱

淺乎梁益之鄉淺淺二字不誤踐八英辯博通辯不誤辨九
則有元常元化程玦玦不誤玦九火井江有火井上火字不
誤文十二拔雒城援襄陽不脫拔字援不誤拔十四漢時任
安定祖不脫安字十四省橋梁三津不脫梁字十六有王喬
彭祖祠喬不誤橋十七孝子吳順養母養不誤奉十七卷四
佳字如發運興役費甚多不脫興字二方為先主問代為不
誤亡四柔遠能邇邇不誤爾六破壞郡縣役吏民役不誤沒
九人但焦草炙鼠為命焦不誤樵九遜使使督護雲南姚岳
不脫下使字十少威儀儀不誤稜十一學圖緯通三才才不
誤材十一升麻縣升不誤牧下文即云山出好升麻十四俗

妖巫惑禁忌不脫惑字十六天所貴也所不誤之十六度蘭

滄水滄不誤倉下同十七謂諸耆老曰不脫諸字十六大姓

陳趙謝楊氏不脫謝字十六此皆廖校所遺其他各卷尚多

不能悉舉也又廖氏所附校語有引據史傳以正本書之誤

今以劉本勘之多與之合如卷五以功曹李雄為大司徒二

廖校云雄當作熊見後漢書此本正作李熊卷六先主還沛

解四廖校云沛下不當有解即今之解字此本正作解不可

背之立効四廖校云之下當有要當二字今本正有此二字

盡封其物五廖校云盡上當有羽字今本正有羽字初飛勇

冠三軍俱萬人敵十三廖校云當有脫誤今本飛下正有羽

字卷八地名觀坂上自觀下三廖校云當作自上今本正作
自上廣漢太守張微八廖校云後賢志目錄皆作徵今本正
作徵字卷十同穴齋定二十三廖校云誤未詳本或作窆今
本正作窆字又菊穀二石二十三廖校云誤未詳本或作蜀
今本正作蜀字凡此皆廖氏所疑而未敢遽為訂正者今得
此本若合符契益可恍然矣至如人名之外失如祝苞祝不
誤程賈栩栩不誤栩楊厚厚不誤序貞玦玦不誤玦皆見於
卷十中先賢士女所闕至鉅賴有此刻足以正其差誤校竟
為之忻快無已夫常志自元豐間呂微仲始刻於成都嘉泰
間李叔塵再刻於臨邛然李氏授梓時已言其多所缺漏迄

明以來并此臨邛補葺之本亦絕迹於天壤惟恃諸家傳鈔
延此墜緒據劉氏後跋言笥中所藏出於舊錄祇取范史訂
正十一獻之郡齋則當時未覩宋刊可知尤可異者楊經守
成都以此書授梓在嘉靖甲子而張佳胤有張四維序亦署
嘉靖甲子元日以數百年來堙鬱不傳之籍而一年之中乃
有兩刻本且皆出於蜀人之手書之顯晦信有時耶張氏蒲
州所刻觀其自序乃得抄本於澶淵晁太史家嗣在江陽假
得楊用脩本又在大梁假得朱灌甫本文互取質參証脫訛
余庫中亦藏亦是本取以對勘凡劉本改正之字張本一一
皆具可知二公校訂之精審視後世所傳惡鈔迥然大異宋

本既不可得見得此嘉靖初元善刻據以糾正流俗之失雖與天水舊槧等量齊觀可耳然余竊有未解者聞廖氏題襟館開雕此書本出孫淵如之手而顧千里為之一再經理以成其事孫氏既富於收藏顧氏夙精於校勘宜其盡羅衆本擇善而從藉殺青之役以竟埽葉之功今觀其書奪譌盈幅轉不若李氏函海之較為審慎精嚴也蓋雨村所據以付梓者為錢叔寶寫本而又得此劉大昌本及天啓李一公本考訂其異同而廖氏刻書時不特嘉靖劉張二本及天啓李氏本均不及見即李氏函海本亦似未經寓目殊不可解蓋右方所舉前四卷異文檢視函海本均注其異同於本字下千

里若見及之必不致略而不采也昔黃堯圃校書多兼收衆本一書手勘至於再三不憚其煩所謂遇本即校也余更為之進一解曰凡校書之法切勿篤信前人世人偶得名家校刊之書輒篤守其本謂已決無罅漏豈知異鈔秘槧海內方迭出不窮吾輩覽玩之所及或為昔人耳目所未經刻意尋求往往後來居上正不必讐於前賢而自畫也此本半葉十行行二十字白口四周雙闌前有嘉靖甲子知成都府昆明楊經序後有大昌自序鈐有尊生父脩綆圖書白文印又准字朱文印遍檢各書自李雨村引校外諸家均不著錄洵可云罕秘矣至張氏蒲州刻本則並雨村亦未之覲也余昔年

曾得抱經樓藏本缺第十一二卷嗣與友人易得完帙今寶
藏於雙鑑樓中異時當更取以覆勘之

重刊華陽國志叙



古者封建五等諸侯國皆有史以記事

后世罷封建李本作後為郡縣然亦必有圖志以

具述益以疆域原訛疆既殊風俗各異山川有

險要阨塞之當備郡邑有廢置割隸之

不常至於一士之行一民之謠皆有不

可殁者願非筆之於書則不能也周官

職方氏掌天下之地圖辨其邦國都鄙

夷蠻閩貊五戎六狄之人民與其財用

之數要至於九穀之所宜六畜之所產

曾得抱經樓藏本缺第十一二卷嗣與友人易得完帙今寶
藏於雙鑑樓中異時當更取以覆勘之

重刊華陽國志叙



古者封建五等諸侯國皆有史以記事

后世罷封建李本作後為郡縣然亦必有圖志以

具述益以疆域原說疆既殊風俗各異山川有

險要阨塞之當備郡邑有廢置割隸之

不常至於一士之行一民之謠皆有不

可歿者願非筆之於書則不能也周官

職方氏掌天下之地圖辨其邦國都鄙

夷蠻閩貊五戎六狄之人民與其財用

之數要至於九穀之所宜六畜之所產

李本作嘗

亦未常不佔畢而紀其詳况夫環數千里之墜分城置邑殆踰數十中間時異事變徃徃裂為偏方霸國其理亂得失蓋有繫天下大數安可使放絕而無聞虜此晉當據華陽國志之作所以有補於史家者流也予嘗攷其書部分區別各有條理其指歸有三焉卷之四述巴蜀漢中南中之風土卷之九列公孫述劉二牧蜀二主之興廢及晉大康之混一以迄於特雄壽勢之僭竊卷之五繼之以兩漢以來先

後賢人梁益寧三州士女摠讚序志終焉就其三者之間於一方人物尤致深意雖侏離之氓賤俚之婦苟有可取在所不棄此尤足以弘宣風教使善惡知所懲勸豈但屑於山川物產以資廣見異聞而已乎戊申本朝元豐間呂汲公守成都嘗刊是書以廣其傳而載禊荒忽刻缺愈多觀者莫曉所謂予每患此久矣假守臨邛官居有暇蓋嘗博訪善本以證其誤而莫

劉孝本傳刻

之或得因據兩漢史陳壽蜀書益部者
舊傳互相參訂以決所疑凡一事而先
後失序本末舛逆者則考而正之一意
而詞旨重複句讀錯雜者則刊而去之
設或字誤而文理明白者則因而全之
其它旁搜遠取求通李本作於于義者又非一端
凡此皆有明驗可信李本有可字不誣者若其無所
考據則亦不敢臆決姑闕之以俟能者
然較以舊本之訛誤大略十得五六矣
鋟木既其輒叙所以冠於篇首好古博

雅與我同志者願無以夏五郭公之義
而律之寧宗嘉泰甲子季夏朔眉丹稜李至
叔塵甫謹序李本作謹



白文

李一本無目錄

汶山郡舊日本訛舛刻者畧加整頓

末附交趾郡

華陽國志目錄

第一

巴志

第二

漢中志

第三

蜀志

第四

南中志

第五

公孫述劉二牧志

第六

劉先主志

第七

劉後主志

第八

大同志

第九

李持雄壽勢志

以上為上冊

以上為中冊

勢志闕李叔塵補

第十

先賢士女摠讚

吳本作漢中女 何本作漢中士女志梓潼士女志

第十一

後賢志

吳本無并字

第十二

序志并益梁寧三州

吳本無此三字

先漢以來士女名目

錄

以上為冊

添益梁寧三州三國兩晉以來人士目錄無此目

華陽國志卷第一

巴志

昔在唐堯洪水滔天劉一本此行不頂格鯨功無成聖禹嗣興

導江疏河百川蠲脩劉李本作脩封殖天下因古九圍

以置九州仰稟參伐或改伐俯壤華陽黑水江漢

為梁州厥土青黎厥田惟下上厥賦惟下

中厥貢璆鐵銀鏤砮磬熊羆狐狸織皮於

是四奧惠校改隄既宅九州適同六府孔修庶土交

正底李本作底原缺筆有財賦李本作脊惠校改脊成貢中國蓋時雍之化東被

西漸矣李本作脊惠校改脊歷夏殷周九州牧伯率職周文為

伯西有九國及武王克商并徐合青省梁
合雍而職方氏猶掌其地辨其土壤甄其
惠校改貨寶利起于秦帝漢興高祖藉之成業乃改
李本係於雍曰涼葦梁曰益故巴漢庸蜀屬益州至
魏成熙元年平蜀始分益州巴漢七郡置
梁州治漢中以相國叅軍中山耿輔黼為刺
史李本行惠校建定元康六年廣漢益州更割雍州之武
都陰平荊州之新城上庸魏興以屬焉凡
統郡一十一縣五十八洛書曰人皇始出
繼地皇之後兄弟九人分理九州為九囿

人皇居中州制八輔華陽之壤梁岷之域
是其一囿囿中之國則巴蜀矣其分野輿
鬼東井其君上世未聞五帝以來黃帝高
陽之支庶世為侯伯及禹治水命州巴蜀
以屬梁州禹娶於塗山辛壬癸甲而去生
子啓呱呱啼不及視三過其門而不入室
務在救時今江州塗山是也帝禹之廟銘
存焉會諸侯於會稽執玉帛者萬國巴蜀
往焉周武王伐紂實得巴蜀之師著乎尚
書巴師勇銳歌舞以凌殷人倒戈故世稱

之曰武王伐紂前歌後舞也武王既克殷
以其宗姬於巴爵之以子古者遠國雖大
爵不過子故吳楚及巴皆曰子其地東
至魚復西至夔道北接漢中南極黔涪土
植五穀牲具六畜桑蠶麻紵魚鹽銅鐵丹
漆茶蜜靈龜李本註臣巨犀山鷄白雉黃潤鮮粉皆
納貢之其果實之珍者樹有荔支蔓有辛
葍園有芳蒟香茗給客橙原說藥其藥物之
異者有巴戟天椒竹木之蹟者有柘支靈
壽其名山有塗籍靈臺石書李本註知山其民

質直好義土風敦厚有先民之流故其詩
曰川崖惟平其稼多黍旨酒嘉穀可以養
父野惟阜丘彼稷多有嘉穀旨酒可以養
母其祭祀之詩曰惟月孟春獮祭劉本註彼崖永
言孝思享祀孔嘉彼黍既潔彼儀惟澤蒸
命良辰祖考來格其好古樂道之詩曰日
月明明亦惟其名誰能長生不朽難獲又
曰惟德實寶富貴何常我思古人令問令
望而其失在於重遲魯鈍俗素樸無造次
辨麗之氣其屬有濮賓直共奴孳夷蠻之

蠻周之仲世雖奉王職與秦楚鄧為比春
秋魯桓公九年巴子使韓服告楚請與鄧
為好楚子使道朔將巴客聘鄧鄧南鄙攻
而奪其幣巴子怒伐鄧敗之其後巴師楚
師伐申楚子驚巴師 魯莊公十八年巴
伐楚克之 魯文公十六年巴與秦楚共
滅庸 哀公十八年巴人伐楚敗於鄢
是後楚主夏盟秦擅西土巴國分遠故於
盟會希 戰國時嘗與楚婚及七國稱王
巴亦稱王 周之季世巴國有亂將軍蔓

子請師於楚許以三城楚王救巴巴國既
寧楚使請城蔓子曰藉楚之靈克弭禍難
誠許楚王城將吾頭往謝之城不可得也
乃自刎以頭授楚使王歎曰使吾得臣若
巴蔓子用城何為乃以上卿禮葬其頭巴
國葬其身亦以上卿禮 周顯王時楚國
衰弱秦惠文王與巴蜀為好蜀王弟苴私
親於巴巴蜀世戰爭 周慎王五年蜀王
伐苴侯苴侯奔巴巴為求救於秦秦惠文
王遣張儀司馬錯救苴巴遂伐蜀滅之儀

荆楚遺

不擊筆

貪巴道之富因取巴執王以歸置巴蜀及
劉李本註
漢中郡分其地為一李本注縣儀城江州司馬錯
自巴涪水取楚商於之地為黔中郡秦
昭襄王時白虎為害自秦蜀巴漢患之秦
王乃重募國中有能殺虎者邑萬家金帛
糴之於是夷朐李本作朐忍康仲藥何射虎秦精等
乃作白竹弩於高樓上射虎中頭三節李本作節白
虎常從羣虎瞋志盡搏煞羣虎大吻而死
秦王嘉之曰虎歷四郡害于二百人一朝
患除功莫大焉欲如約王嫌其夷人乃

刻石為盟要復夷人頃田不租十妻不筭
傷人者論煞人李本注崔死俛錢盟曰秦犯夷輸
黃龍一雙夷犯秦輸清酒一鍾夷人安之
漢興亦從高祖定秦有功高祖因復之專
以射白虎為事戶歲出實錢口四十故世
劉李本註
号白虎復夷一曰板楯蠻今所謂弼頭虎
子者也漢高帝滅秦為漢王王巴蜀閬
中人范目有恩信方略知帝必定天下說
帝為募發實民要與共定秦秦地既定封
目為長安建章鄉侯帝將討關東實民

皆思歸帝嘉其功而難傷其意遂聽還巴
謂目曰富貴不歸故鄉如衣繡夜行耳徒
封閬中慈鄉侯目固辭乃封李本度度沔縣侯故
世謂三秦亡范三侯也目復除民羅朴督
鄂度夕龔七姓不供祖賦閬中有渝水
賓民多居水左右天性勁勇初為漢前鋒
陷陣銳氣喜舞帝善之曰此武王伐紂之
歌也乃令樂人習學之今所謂巴渝舞也
天下既定高帝乃分巴置廣漢郡孝武
帝又兩割置犍為郡故世曰分巴割蜀以

諫議大夫當去議字

成犍廣也自時厥後五教雍和秀茂挺
逸英偉既多而風謠旁作故朝廷有忠貞
盡節之臣鄉黨有主文歌詠之音巴郡譙
君黃仕成哀之世為諫議大夫數進思言
後違避王莽又不事公孫述述怒遣使賞
藥酒以懼之君黃笑曰吾不省藥乎其子
瑛納錢八百萬得免國人作詩曰肅肅清
節士執德寔固貞違惡以授命沒世遺令
聲巴郡陳紀山為漢司隸校尉嚴明正
直西虜獻眩王庭試之分公卿以為嬉紀

賈李本作贖

山獨不視京師稱之巴人歌曰築室載直
梁國人以貞真邪娛劉安本傳揚不揚目枉行不動身
奸軌辟乎遠理義協乎民劉安本傳巴郡嚴王思
為揚州刺史惠愛在民每當遷官吏民塞
路攀轅詔遂留之居官十八年卒百姓若
喪考妣義送者賈錢百萬欲以贍王思家
其子徐州刺史不受送吏義崇不忍持還
乃散以為食食行客巴郡太守汝南應季
先善而美之乃作詩曰乘彼西漢潭潭其
淵君子愷悌作民二親沒世遺愛式鏡後

人漢安帝時巴郡太守連失道國人風
之曰明明上天下土是觀帝選元后求定
民安孰可不念禍福由人願君奉詔惟德
日親永初中廣漢漢中羌反虐及巴郡
有馬妙祈妻義王元愷妻姬趙蔓君妻華
夙喪夫執恭姜之節守一醮之禮号曰三
貞遭亂兵迫匿懼見拒辱三人同時自沉
于西漢水而沒死有黃鳥鳴其亡處徘徊
焉國人傷之乃作詩曰閔閔黃鳥爰集于
樹窈窕淑女是繡是黼惟彼繡黼其心匪

石嗟爾臨川邈不可獲 永建中泰山吳

資元約為郡守屢獲豐年劉孝本作豐民歌之曰習習

晨風動澍雨潤乎苗我后卹時務我民以

優饒及資遷去民人思慕又曰望遠忽不

見惆悵嘗徘徊思澤實難忘悠悠心永懷

孝桓帝時河南李盛仲和為郡守貪財重

賦國人刺之曰狗吠何誼誼有吏來在門

披衣出門應府記欲得錢語窮乞請期吏

怒反見尤旋步顧家中家中無可與思往

從鄰貸鄰人以言遺錢錢何難得令我獨

憔悴 漢末政衰牧守自擅民人思治作

詩曰混混濁沼魚習習激清流温温亂國

民業業仰前脩 其德操仁義文學政幹

若洛下閔任文公馮鴻卿龐宣孟玄文和

趙溫柔龔升侯楊文義等播名立事言行

表世者不勝次載者也 孝安帝元初三

年涼州羌反入漢中殺太守董炳擾動巴

中中郎將尹就討之不克益州諸郡皆起

兵禦之三府舉廣漢王堂為巴郡太守撥

亂致治進賢達士貢孝子嚴永隱士黃錯

名儒陳髦俊士張璠皆至大位益州刺史
張喬表其尤異徙右扶風民為立祠 孝
相帝以并州刺史秦秦山李善注秦皇後改秦但望字伯闔為巴
郡太守勤邨民隱郡文學劉勰字季作椽下同椽宿渠趙芬椽
弘農馮尤墊江龔榮王祈李温臨江嚴就
胡良文愷安漢陳禧閬中黃閬江州母劉氏母成
陽譽喬就張紹牟存平平直詣望自訟曰
郡境廣遠千里給吏兼將人從冬往夏還
夏單冬複惟踰時之役懷怨曠之思其昏
喪吉凶不得相見解緩補綻下至薪菜之

物無不弟買於市富者財得自供貧者無
以自劉勰字季作支久是以清儉天枉不聞加以水陸艱
難山有猛禽思迫期會隕身江河投死虎
口咨嗟之歎歷世所苦天之應感乃遭明
府欲為更新童兒足婦劉勰何本作足懽喜相賀將去遠
就近釋危蒙安縣無數十民無遠邇恩加
未生澤及來世劉勰字季作椽巍巍之功勒於金石乞以
文書付計椽史人鬼同符必獲嘉報芬等
幸甚望深納之郡戶曹史枳白望曰芬等
前後百餘人歷政訟訴未蒙感寤明府運

機布政稽當皇極為民庶請命救患德合
天地澤潤河海開闢以來今遇慈父經曰
奕奕梁山惟禹甸之有倬其道韓侯受命
比隆等盛於斯為美永興二年三月甲午
望上疏曰謹按巴郡圖經境界南北四千
東西五千周萬餘里屬縣十四鹽鐵五官
各有丞史尺四十六萬四千七百八十口
百八十七萬五千五百三十五遠縣去郡
千二百至千五百里鄉亭去縣或三四百
或及千里土界遐遠令尉不能窮詰姦凶

時有賊發督郵追案十日乃到賊已遠逃
蹤迹絕滅罪錄逮捕證驗文書詰評即從春
至冬不能究訖繩憲未加或遇德令是以
賊盜公行姦宄不絕榮等及隴西太守馮

目錄作庸

含上谷太守陳弘說往者至有劫閭中令

楊殷終津侯姜昊傷尉蘇鴻彭亭侯孫魯

雍亭侯陳已殷侯樂普又有女服賊千有

餘人布散千里不即發覺謀成乃誅其水

陸覆害煞郡椽枳謝盛塞威張御魚復令

劉李本作椽

尹尋主簿胡直若此非一給吏休謁往還

數千閉囚須報或有彈劾動便歷年吏坐
踰科恐失冬節侵疑先死如當移傳不能
待報輒自刑戮或長吏忿怒冤枉弱民欲
赴訴郡官每憚還往太守行桑農不到四
縣刺史行部不到十縣郡治江州時有溫
風遙縣客吏多有疾病地勢剛嶮皆重屋
累居數有火害又不相容結舫水居五百
餘家承二江之會夏水漲盛壞散顛溺死
者無數而江州以東濱江山險其人半楚
姿態敷重墊江以西土地平敞精敏輕疾

上下殊俗情性不同敢欲分為二郡一治
臨江一治安漢各有棗麻丹漆布帛漁池
鹽鐵足相供給兩近京師榮等自欲義出
財帛造立府寺不費縣官得百姓懽心孝
武以來亦分吳蜀諸郡聖德廣被民物滋
繁增置郡土釋民之勞誠聖主之盛業也
臣雖貪大郡以自優暇不忍小民顛顛蔽
隔謹具以聞朝議未許遂不分郡分郡之
議始於是矣哉李本無此字有吳何本接焉順栢之世板楯數反太
守蜀郡趙溫恩信降服於是宕渠出九德

之禾胸李奔肥忍有連理之木李本誤里應校改理光和二年板楯復

叛攻害三蜀漢中州郡連年苦之天子欲

大出軍時征役疲弊問益州計曹考以計

略益州計曹椽程包對曰板楯七姓以射

白虎為業立功先漢本為義民復除徭役

但出實錢口歲四十其人勇敢能戰昔羌

數入漢中郡縣破壞不絕若線後得板楯

來虜彌盡劉本後後注同號為神兵羌人畏忌傳語種輩

勿復南行後建寧後漢作建和二年羌復入漢牧

守遑遑復賴板楯破之若微板楯則蜀漢

之民為左衽矣前車騎將軍馮緄南征雖

授丹楊精兵亦倚板楯近益州之亂朱龜

以并涼勁卒討之無功太守李顒以板楯

平之忠功如此本無惡心長吏鄉亭更賦

至重僕役過於奴婢箠楚隆於囚虜至乃

嫁妻賣子或自剄割陳寃州郡牧守不理

去闕庭遙遠不能自聞含怨呼天叩心窮

谷愁於賦役困乎刑酷邑域相聚以致叛

戾非有深謀至計僭劉本有本作號號不軌但選明能牧

守益其資穀安便賞募從其利隙自然安

集不煩征伐也昔中郎將尹就伐羌擾動益部百姓諺云虜來尚可尹將殺我就徵還後羌自破退如臣愚見權之遣軍不如任之州郡天子從之遣太守曹謙宣詔降赦一朝清戢獻帝初平元年征東中郎將安漢趙穎建議分巴為二郡穎欲得巴舊名故判本作白益州牧劉璋以墊江以上為巴郡江南龐羲為太守治安漢以江州至臨江為永寧郡胸李本作恩恩至魚復為固陵郡巴遂分矣建安六年魚復蹇侑曰璋爭巴名

璋乃改永寧為巴郡以固陵為巴東徙羲為巴西太守是為三巴於是涪陵謝本白璋求以丹興漢髮二縣為郡初以為巴東屬國後遂為涪陵郡分後屬縣七戶二萬去洛三千七百八十五里東接胸李本作恩忍西接蔣縣南接涪陵北接安漢吳本作德漢德陽巴子時雖都江州或治墊江或治平都後治閬中其先王陵墓多在枳其畜牧在沮今東突硤下畜沮是也又立市於龜亭北岸今新市里是也其郡東枳有明月硤廣德嶼

故巴亦有三硤 巴楚數相攻伐故置扞
關陽關及沔關 漢世郡治江州巴水北
有甘橘官吳何本作柑今北府城是也後乃還南城劉
先主初以江夏費瓘為太守領江州都督
後都護李嚴更城大城周迴十六里欲穿
城後山自汶江通水入巴江使城為州求
以五都置巴州丞相諸葛亮不許亮將北
征召嚴漢中故穿山不逮然造蒼龍白虎
門別郡縣倉皆有城嚴子農代為都督農
解後梓漢李福為都督 延熙中車騎將

軍鄧艾為都督治陽關

李本為芝居本作文

十七年省平都

樂城常安

咸熙元年但四縣以鎮西叅

軍隴西怡思和為太守二部守軍

江州縣郡治塗山有禹王祠及塗后祠北

水有銘書祠云漢初犍為張君為太守忽

李本作詞

劉本作度

得仙道從此升渡今民曰張府君祠縣下

有清水穴巴人以此水為粉則膏暉鮮芳

惠校改粉貢

貢粉京都因名粉水故世謂江州墮休粉

林

也有荔枝園至熟二千石常設厨膳命士

大夫共會樹下食之縣北有稻田出御朱

休張佳九吳瑄何名申本並作林

陂池出蒲葍蘭席其冠族有波鈞母謝然

李本作蓋

劉本作關

慳楊白上官程常世有大官也

枳縣郡東四百里治涪陵水會土地确瘠時多人士有章常連黎牟楊郡冠首也

臨江縣枳東西四百里接胸臆有鹽官在監

何本作涪

劉本作本

塗二溪一郡所仰其豪門亦家有鹽井又

嚴甘文楊杜為大姓晉初文立實作常伯

納言左右楊宗符稱武隆人在吳為孫氏

虎臣也

平都縣蜀延熙時省大姓殷呂蔡氏

墊江縣郡西北中水四百里有乘蠶牛馬

漢時龔榮以俊才為荊州刺史後有龔揚

趙敏令德為巴郡太守淳于長寧雅有美

劉本作晚後並同

兒黎夏杜皆大姓也

樂城縣在西州江三百里延熙十七年省

劉本作本接寫不捷行

常安縣亦省

巴東郡先主入益州改為江關都尉建安

劉本作本無字位

吳何本注云按晉志也東都有名

吳何本

二十一年以胸臆魚復羊渠及宜都

無字

劉本作三

巫北井六縣為固陵郡武陵康立為

太守章武元年胸臆徐慮魚復蹇機以失

巴名上表自訟先主聽復為巴東南郡輔
劉季本作匡匡為太守先主征吳於夷道還薨斯郡以
尚書令李嚴為都督造設圍戍嚴還江州
征西將軍汝南陳到為都督到卒官以征
北大將軍南陽宗預為都督預還內領軍
襄陽羅獻為代蜀平獻仍其任拜凌江將
軍領武陵太守 泰始二年吳大將步闡
唐咨攻獻獻保城咨西侵至胸臆故蜀尚
書郎巴郡楊宗告急于洛未還獻出擊闡
大破之闡咨退獻遷監軍假節安南將軍

吳何本作錫

封西鄂侯入朝加錫御蓋朝服吳武陵太
守孫恢寇南浦安蠻護軍楊宗討之退走
因表以宗為武陵太守住南浦誘邨武陵
蠻夷得三縣初附民獻卒以捷為太守天
水楊攸為監軍攸遷涼州刺史朝議以唐
彬及宗為代晉武帝問散騎常侍文立曰
彬宗孰可用立對曰彬宗俱立事績在西
不可失者然宗才誠佳有酒嗜彬亦其人
性在財欲惟陛下裁之帝曰財欲可足酒
嗜難改遂用彬為監軍加廣武將軍 迄

吳平巴東後省羊渠置南浦 晉太康初
將巫北井還建平但五縣去洛二千五百
里東接建平南接武陵西接巴郡北接房
陵奴獠夷蠻之蠻民

魚復縣郡治公孫述更名白帝章武二年
改曰永安咸熙初復有橘官又有澤水神
天旱鳴鼓於傍即雨也

劉李本作眼胸忍縣西二百九十里水道有東陽下瞿
數灘山有大小石城勢靈壽木鹽井靈龜
咸熙元年獻靈龜於相府 大姓扶先徐

氏漢時有扶徐荆州着石楚訪有弼頭白
虎復夷者也 着石楚訪四字未詳○弼其
羈切又渠良切 文一重音三

漢豐縣建安二十一年置在郡西北彭溪源
南浦縣郡南三百里晉初置主夷

郡與楚接人多勁勇少文學有將帥材
涪陵郡巴之南鄙從枳南入折丹涪水本與
楚商於之地接秦將司馬錯由之取楚商

於地為黔中郡也漢後怕有都尉守之舊
屬縣五去洛五千一百七十里東接巴東

李本作何

南接武陵西接牂柯北接巴郡土地山險
水灘人多戇勇多獠蠻之民縣邑阿黨鬪
訟必死無蠶桑少文學惟出茶丹漆蜜蠟
漢時赤甲軍常取其民蜀丞相亮亦發其
勁卒三千人為連弩士遂移家漢中延熙
十三年大姓徐巨反車騎將軍鄧芝討平之
見玄援緣其山芝性好弩手自射援中之
援子拔其箭卷木葉塞其創芝嘆曰嘻吾
傷物之性其將死矣乃移其豪徐蘭謝范
五千家於蜀為獵射官分羸弱配督將韓

吳何李本並無空位

蔣名為助郡軍遂世掌部曲為大姓

晉初移弩士于馮翊蓮勺其人性質直雖
徙他所風俗不變故迄今有蜀漢關中涪
陵其為軍在南方者猶存李本無空位山有大龜其
甲可卜其緣可作义世号靈义劉本作號涪陵縣

郡治

丹興蜀時省山出名丹

漢平縣延熙十三年置

萬寧縣孝靈帝時本名永寧

漢馯縣有盐井諸縣北有獠蠻又有蟾夷

也

巴西郡屬縣七去洛二千八百一十五里
東接巴郡南接梓潼北接涼西城土地山
原多平有牛馬桑蚕蠶人自先漢周存子產孫巨以來謹詳子周僦偉
倣儻冠冕三巴及郡分後叔布榮始周羣
父子程公弘等或學兼三才或精秀奇逸
其次馬盛衡承伯才藻清妙龔德緒兄弟
英氣曄然黃公衡應權通變馬德信王子
均扶孝興張伯歧建功立事劉二主之
世稱美荆楚乃先漢以來馮車騎范鎮南

皆植斯鄉故曰巴有將蜀有相也及晉譙周
侯脩文於前陳君煥炳於後並遷雙固倬
羣穎世甄在傳記劉李本作煥縉紳之徒不勝次載焉
閬中縣郡治有彭池大澤名山靈臺見文
緯書識大姓有三狐五馬蒲趙任黃嚴也
南充國縣和帝時置有益井大姓侯譙氏
安漢縣劉李作號出人士大姓陳范閻趙
平州縣李本作共其二縣為郡
宕渠郡延熙中置以廣漢王士為太守郡
建九年省永興元年李雄復置今遂為郡

長老言宕渠蓋為故實國今有實城盧城
秦始皇時有長人二十五丈見宕渠秦史
胡毋敬曰是後五百年外必有異人為大
人者及雄之王祖世出自宕渠有識者皆
以為應之先漢以來士女賢貞貞縣民車騎
將軍馮緄大司農玄賀大鴻臚龐雄桂陽
太守李温等皆建功立事有補於世緄温
各葬所在常以三月二子之靈還鄉里水
暴漲郡縣吏民莫不於水上祭之其列女
節義在先賢志

宕渠縣郡治有鐵官石蜜山圖所採也

漢昌縣和帝時置大姓勾氏

宣漢縣今省

右巴國凡分為五郡二十三縣

譔曰巴國遠世則黃炎之支封在周則宗

姬之戚親故於春秋班倅秦楚示甸衛也

若蔓子之忠烈范目之果毅風惇俗厚世

挺名將斯乃江漢之含靈山岳之精爽乎

觀其俗足以知其彰壹矣昔沙麓崩卜偃

言其後當有聖女興元城郭公謂王翁孺

屬當其時故有政君李雄宕渠之廝伍略
陽之黔首耳起自流隸君獲士民其長人
之鬼良有以也

華陽國志卷第一

華陽國志卷二

漢中志

漢中郡本附庸國屬周赧王二年秦惠文王
置郡因水名也漢有二源東源出武都氏
道漾山因名漾禹貢流漾為漢是也西源
出隴西嶓冢山會白水經葭萌入漢始源
曰沔故曰漢沔在詩曰滔滔江漢南國之
紀其應上昭于天又曰惟天有漢其分野
與巴蜀同占其地東接南郡南接廣漢西
接隴西陰平北接秦川厥壤沃美賦貢所

劉孝本作於

出略侷三蜀六國時楚強威略有其地後
為秦恒成爭地漢高帝既克秦獲子嬰項
羽封高帝為漢王王巴蜀三十一縣帝不
悅丞相蕭何謀曰雖王漢之惡不猶愈於
死乎且語曰天漢其稱甚美夫能屈於一
人之下則伸於萬乘之上者湯武是也願
大王王漢中撫其民以致賢人收用巴蜀
還定三秦天下可圖也帝從之都南鄭及
項籍弑義帝高帝東伐蕭何常居守漢中
足食足兵既定三秦蕭何鎮關中資其衆

卒平天下以田叔為漢中守屬縣十一去
洛一千九十一里叔既饋以軍餼又致名
材立宮室帝嘉之後為魯相然以帝業所興
不封藩王自叔之後世脩文教有倣儻之
士異人竝挺鄧公抗言於孝景之朝以明
忠枉之情張騫特以蒙險遠為孝武帝開
緣邊之地賓沙越之國致大宛之馬入南
海之象而車渠瑪瑙珊瑚琳碧屬寶明珠玳
瑁虎魄水精琉璃火浣之布蒲桃之酒筇
竹筠管殊方竒玩盈於市朝振揚威靈被

李本作虎珀

李本作珠

劉吳河李本作寶

於幽裔遂登九列杖節繡衣剖符博望谷

口子真秉箕穎之操湛然岳立不營不求

德聲邁流楊王孫應至人之概劉向李本無蓋劉本自建字釋分注自建武

以後羣儒修業開按圖緯漢之宰相當出

坤鄉於是司徒李公印屢登七政太傅子固堅

弈世論道其珪璋瑚璉之器則陳伯雅臺李

季子申陳術伯之徒文秀瑋曄其州牧郡守冠

蓋相繼於西州為盛蓋濟濟焉莽時公

孫述據蜀跨有漢中當秦隴之徑每罹於

其害安帝永初二年陰平武都羗反入

漢中然太守董炳沒略吏民四年羗復

來太守鄭塵出屯褒中欲與羗戰主簿段

崇陳禪以為但可堅守來虜乘勝其鋒不

可當塵不從戰敗績崇與門下史王宗原

展及崇子勃兄子伯生力戰捍塵并命功

曹程信素居守馳來赴難冒寇殞殮塵虜

遂大太盛天子乃拜巴郡陳禪為漢中太守劉本大

虜素憚禪更來盤結李本作詰禪知攻守未可卒下

而年荒民困乃矯詔赦之大小咸服既誅

其亂首天子善之徙禪左馮翊太守程信

怨恥乃結故吏冠蓋子弟嚴孳李容姜濟
陳已曹廉勾矩劉旌等二十五人誓志報
羌各募壯士豫結同死以待寇太守鄧成
命信為五官孳等門下官屬李本作光元和二年
羌復來巴郡板楯掠之信等將其士卒力
奮討大破之信被八創二十五人戰死自
是後羌不敢南向五年天子下詔褒歎褒
信崇等賜其家穀各千斛宗展孳等家穀
各五百斛列畫東觀每新太守到必先存
問其家以羌畏服陳禪拜禪子澄漢中太

守漢末沛國張陵學道於蜀鶴鳴山造
作道書自稱太清玄元以惑百姓陵死子
衡傳其業衡死子魯傳其業魯字公祺以
鬼道見信於益州牧劉焉魯母有少容往
來焉家初平中以魯為督義司馬住漢
中斷谷道魯既至行寬惠以鬼道教立義
舍置義朱米義肉其中行者取之量腹而已
不得過劉景奇李本作米下同多云鬼病之其市肆賈平亦然
犯法者三原而後行刑學道永信者謂之
鬼卒後乃為祭酒巴漢夷民多便之其供

通限出五斗米朱故世謂之朱道扶風蘇固
為漢中太守魯遣其黨張脩攻固城固人
陳調素遊俠學兵法固以為門下劉晏何李本作城掾說固
守扞禦寇之術固不能用踰墻走放南鄭
趙嵩嵩將俱逃賊盛固遣嵩求隱避處嵩
永還固又令鈴下偵賊賊得鈴下遂得然固
嵩痛憤杖劍直入調亦聚其賓客百餘人
攻脩戰死魯遂有漢中數害漢使馬上書
言米賊斷道李本無空位口至劉焉子璋為牧時魯益
驕恣璋怒 建安五年殺魯母弟魯率巴

夷杜濩朴胡袁約等叛為讎敵魯時使使
漢朝亦慢僇帝室以亂不能征就拜中郎
將漢寧太守不置長吏皆以祭酒為治民
璋數遣龐羲李思等討之不能克而巴夷
日叛乃以羲為巴西太守又遣楊懷高沛
守關頭請劉先主討魯先主吏襲取璋
二十年魏武帝西征魯魯走巴中先主將
迎之而魯功曹巴西閻團說魯北降歸魏

魯本漢賊安肯附漢武贊以大事宜附託不然西結劉備以歸
同惡相濟宜其甘為之魯勃然曰寧為曹公作奴不為劉備上

曹公奴也

封閬中侯

客遂委質魏武武帝拜魯鎮南將軍封襄平侯又封其五子皆列侯時先主東下汪安巴漢稽服魏武以巴漢夷王杜濩朴胡袁約為三巴太守留征西將軍夏侯淵及張郃益州刺史趙顛等守漢中遷其民於關隴二十四年春先主進軍攻漢中至定軍淵郃顛來戰大為先主所破將軍黃忠斬淵顛首魏武帝復西征先主先主曰孟德雖來無能為也我必有漢川李本作中矣先主遂為漢中王將還成都當得重將以

鎮漢中衆皆以必張飛張飛心亦自許先主乃以牙門義陽魏廷為鎮遠將軍漢中太守先主大會羣臣問廷曰今委卿以漢中鄉居之若何對曰若曹操舉天下而來請為大王拒之若偏將十萬而來請為大王吞之衆壯其言初魏武之留淵郃也以鷄肋示外外人莫察惟主簿楊脩知之故曰夫鷄肋棄之如可惜食之無所得以此漢中也 是後處蜀魏界固險重守自丞相大司馬大將軍皆鎮漢中 蜀平梁州

治沔陽 李本作縣 大康中晉武帝子漢王迪受封

更曰漢國郡但六縣

南鄭縣郡治周貞王十六年秦厲公城之

有池水從旱山來入沔大姓李程趙鄭氏 劉吳何李本並作氏

沔陽縣州治有鐵官又有度水水有二源

一曰清檢二曰濁檢有魚定清水出輿濁

水出鮒常以二月八日取蜀丞相諸葛亮

墓定軍山

褒中縣孝昭帝元鳳六年置本都尉治也

山名扶水有唐公後漢書志引作乃祠也

前漢書書作成城固縣蜀時以沔陽為漢城城固為樂城

蒲池縣 西鄉縣

魏興郡本漢中西城縣 哀平之世縣民

李本錫劉曼台李錫錫光字長冲為交州刺史徙交趾太守王

莽篡位拒郡不附莽方有事海內未以為

意尋值所在兵起遂自守 更始即祚正

其本官世祖嘉其忠節銜拜為大將軍朝侯

祭酒封鹽水侯 後漢中數寇亂縣土獨

存漢季世別為郡 建安二十四年劉先

主命宜都太守孟達從秭歸北伐房陵上

劉蒼李未有封字

庸自漢中又遣副軍中郎將劉乘沔水會

達上庸以申耽弟儀為建信將軍西城太

守達耽降魏黃初二年文帝轉儀為魏

興太守封鄖鄉侯蜀平遂治西城屬縣

六戶萬去洛一千七百李本有里字土地險隘其人半

楚風俗略與荊州沔中郡同劉本重字攢刻

西城縣郡治元康元年封越騎校尉蜀郡

何攀為公國也

錫縣安康縣興晉縣晉置

鄖鄉縣本名長利縣縣有鄖鄉漢地理字作鄖關

元作員高
劉李本作員高

洵陽縣洵水所出

上庸郡故庸國楚與巴秦所共滅者也秦

時屬蜀後屬漢中漢末為上庸郡建

安二十四年孟達劉封征上庸上庸太守

申耽稽服遣子弟及宗族詣成都先主拜

耽征北將軍封鄖鄉侯仍郡如故黃初

中降魏魏文帝拜耽懷集將軍徙居南陽

省上庸并新城孟達誅後復為郡屬縣五

戶七千去洛一千七百里

上庸縣郡治北巫縣安樂縣咸熙元


劉李本作鄉

年為公國封劉後主也

武陵縣 安富縣 微陽縣

新城郡本漢中房陵縣也秦始皇徙呂不韋舍人萬家於房陵以其隘地也漢時宗族大臣有罪亦多徙此縣漢末以為房陵郡建安二十四年孟達征房陵然太守蒯祺進平三郡與劉封不和封奪達鼓吹關羽圍樊城求助於封達封達以新據山郡未可擾動為辭羽為吳所破殺達既忿封又懼先主見責遂拜書先主告叛

降魏魏文帝善達姿才容觀以為散騎常侍建武將軍襲劉封封敗走達據房陵陳文帝合三郡為新城以達為太守後蜀丞相諸葛亮將北伐招達為外援故貽書曰嗟乎孟子度邇者劉封侵凌足下以傷先帝待士之望慨然永歎每存足下平素之志豈虛託名載策者哉都護李嚴亦與書曰吾與孔明並受遺詔思得良伴吳王孫權亦招之達遂背魏通吳蜀表請馬弩於文帝撫軍司馬宣王以為不可許帝曰吾為



原件短缺

天下主義不先負人當使吳蜀知吾心乃
多與之過其所求 明帝太和初達叛魏
歸蜀時宣王屯宛知其情乃以書喻之曰
將軍昔棄劉備託身國家委將軍以疆場
之任任將軍以圖蜀之事可謂心貫白日
蜀人愚智莫不切齒於將軍諸葛亮欲
相破惟苦無路耳模之所言郭模亮遣詐降孟
者達謀非小事也亮豈輕之而令宣露此
殆易知耳達乃以書與亮曰宛去洛八
百里李本有里字去此千二百里聞吾舉事當表上天

不能克峻衆才八百人存衆萬計更為峻
所破敗退走成都既定先主嘉峻功 二
十二年分廣漢置梓潼郡以峻為太守屬
縣六戶萬去洛二千八百三十八里東接
巴西南接廣漢西接陰平北接漢中上地
出金銀丹漆藥蜜也世有雋彥人侔於巴
蜀

梓潼縣郡治有五婦山故蜀五寸士所拽
地崩山處也有善板祠一曰惡子民歲上
雷杼十牧校歲盡不復見云雷取去四姓文
士

景雍鄧者也 一本作梓 劉李作梓

涪縣去成都三百五十里水通于巴於蜀

五蜀字作也東北之要蜀時大將軍鎮之有宕田平稻

田孱水出孱山其源有金銀鑛洗取火融

合之為金銀陽泉出石丹大司馬蔣琬葬

此大姓楊杜李人士多見者舊也

晉壽縣本葭萌城劉氏更曰漢壽水通于 李李

巴西又入漢川有金銀鑛民今歲歲取洗

之蜀亦大將軍鎮之漆藥蜜所出也大將

軍費禕葬此山大姓葬此者多

大將軍費禕葬此山上當有
其山字或在漆藥蜜所出之上

白水縣有關尉故州牧璋將楊懷高沛守

也

廣漢縣 德陽縣 李本益一 有劔閣道三十里

至險有閣尉桑下兵民也 劉李作閣

武都郡本廣漢西部都尉治也 元鼎六

年別為郡屬縣九戶萬去洛一千八百七

十八里東接梓潼西接天水北接始平土 李本益

地嶮岨有麻田氏使多羌戎之民其人半

秦多勇戇出名馬牛羊漆蜜有瞿堆百頃

嶮勢氏使常依之為叛 漢世數征討之

分徙其羗遠至酒泉敦煌其攻戰壘戍處郭
所亦多 建安二十四年先主遣將軍雷
同吳蘭平之為魏將曹洪所破殺 魏益
州刺史天水楊阜治此郡阜以濱蜀境移
其氏叟於汧雍及天水略陽 建興七年
丞相諸葛亮遣護軍陳戒伐之遂平武都
陰平二郡還屬益州 魏將夏侯淵張郃
徐晃征伐常由此郡而蜀丞相亮及魏廷
姜維等多從此出秦川劉季春作周遂荒無晉民其氏
叟楊濩屬魏魏遣置其郡屬蜀李本無位蜀平屬

雍州 太康六年還梁州 八年氏叟齊
萬年皮郡劉季本罹其寇晉民流徙入蜀及梁州
永嘉初天水氏叟楊茂搜率種人為寇保
據其郡貢獻長安愍帝以胡寇方盛欲懷
來戎翟拜驃騎將軍 左賢王劉曜破長
安丞相平昌公上隴據天水茂搜數饋平
昌公拜茂搜長子難敵征南將軍少子堅
頭龍驤將軍種衆劉季本亦謂難疆盛東破梁州南連李
雄威服羌戎時平昌公為劉曜所破陳安
作賊于時并氏叟如一國茂搜死敵堅代

為主數歲 曜自攻武都敵堅南奔雄至
晉壽遣子為質又厚賂雄兄晉壽守將稚
曜不獲敵堅引還武都恃嶮驕慢攻走雄
陰平太守羅演演稚舅也稚忿恚白兄舍
與雄求征之雄使舍將稚數千人攻之時
敵妻死葬於陰平舍稚徑至下辨入武街
城以深入無繼盡為氏搜所破李本作殺然敵堅死
子磐毅復代為主 咸康四年敵從弟劉昂李秦無字
初然磐毅兄弟代為主迄今 自茂搜父
子之結據也李本詳貢家通晉家及李雄劉曜石勒石

虎張駿皆稱臣奉貢受其官號所向用其
官及其年號

下辨縣郡治一曰武街 武都縣東漢水

所出有後漢志詳引作大天池澤漢志引有虎池考皇字泉街縣水入沮

上祿故道縣 河池縣

合漢也漢志沮水後漢志作泔水沮縣河池水所出東狼谷也

平樂縣 脩城縣 嘉陵縣

陰平郡本廣漢北部都尉 永平後羌虜

數反遂置為郡屬縣四戶萬去洛二千三

百四十四里東接漢中南接梓潼西接隴
西北接酒泉土地山嶮李本誤又民剛勇多低
有黑白水羌紫羌胡虜風俗所出與武都
略同漢安帝永初二年羌反燒郡城郡
人退住白水會漢陽諸羌反溢入漢然太
守漢陽杜琦自稱將軍叛亂廣漢郡屯葭
萌漢使御史大夫唐喜討琦進討羌經年
不下詔賜死更遣中郎將尹就討羌亦無
功諸郡太守皆屯涪李本二字不重出元初五年巴郡板
楯軍救漢中漢中大破羌乃退郡復治

置助郡都尉

李本無劉先主之

李本作也入漢中也爭二

郡不得

李本無建興七年

李本作二諸葛亮始命陳戒平

之

李本無

劉本提行魏亦

李本作油遙置其郡屬雍州自景谷有步

道徑江由左儋行出涪鄧艾從之伐蜀

元康六年還屬梁州永嘉末太守王鑿

粗暴郡民毛深左騰等逐出之相率降李

雄晉民盡出蜀氏羌為楊茂搜所占有

陰平縣郡治漢曰陰平道也

甸氏縣有白水出徼外入漢

武平縣有關尉自景谷有步道徑江由左

劉本李本作武

李本作油

儋出涪鄧艾伐蜀道也劉主時置義守號

劉纂

關尉

剛氏縣涪水所出有金銀鑛

右梁州

譔曰漢沔彪炳靈光上照在天鑒為雲漢
於地畫為梁州而皇劉應之洪祚攸長蕭
公之云不亦宜乎

華陽國志卷第二

